



REPUBLIKA E SHQIPËRISË

BASHKIA HIMARË
KËSHILLI BASHKIAK

Nr. 1005 prot.

Datë, më 22.02.2024

INFORMACION PËR VENDIMARRJEN DHE PERFORMANCËN E KËSHILLIT TË BASHKISË HIMARË PËR VITIN 2023.

Të nderuar këshilltarë!

Këshilli Himarë për vitin 2023 ka pasur një aktivitet intensiv në vendimarrje dhe ka qënë në komunikim të vazhdueshëm me komunitetin rreth problematikave që janë shfaqur.

Duke qënë se Këshilli si organ i vetëqeverisjes vendore në zbatim të ligjit ka rol vendimmarrës, përfaqësues, mbikqyrës dhe monitorues, jemi munduar të ushtrijmë këto role. Kemi mundur të arrijmë objektivat duke zbatuar planin e aktiviteteve të këshillit të miratuar për vitin 2023, duke u mbështetur në ligjin 139/2015 “Për vetëqeverisjen vendore”.

Duke pasur parasysh se shumë aktivitete të zhvilluara bëjnë pjesë në më shumë se një nga rolet e mësipërme të Këshillit po mundohemi në mënyrë të përmbledhur të japim aktivitetet kryesore të zhvilluara sipas kategorive.

Në lidhje me rolin vendimmarrës, janë kryer kryesisht aktivitetet si më poshtë:

Gjatë vitit 2023 janë realizuar në total 13 mbledhje të Këshillit Bashkiak. Një (1) mbledhje është mbajtur jashtë radhe, dhe mbledhja e muajit nëntor është protokolluar dy herë por nuk është zhvilluar.

Në total janë miratuar 65 vendime të konfirmuara, nga institucioni i Prefektit të Qarkut Vlorë .

- Janë zhvilluar 5 mbledhje live, të cilat janë transmetuar direkt nëpërmjet rrejetit social facebook me ndihmën e projektit “Bashki Të Forta” çka ka bërë që komuniteti të ndjekë direkt mbledhjen madje të japë dhe mendimet dhe sygjerimet e tij për vendimet dhe çështjet që janë shqyrtuar.

Për vitin 2023, Këshilli i Himarë ka miratuar një plan 1 vjeçar i aktiviteteve të Këshillit i shoqëruar me buxhetin përkatës, i dedikuar vetëm për këshillin në mënyrë që të realizohen aktivitetet e planifikuara. Në këtë drejtim fondi i planifikuar për vitin 2023 është shpenzuar për aktivitetet e planifikuara, duke rritur eficiencën e shpenzimeve të këshillit.

Këshilli Himarë gjate viti 2023 me buxhetin e tij ka zhvilluar një vizitë në kuadrin e shkëmbimit të eksperiencave me këshillin dhe Bashkinë Pejë të Kosovës.

Nga buxheti i Këshillit Bashkiak janë përballuar shpenzimet e organizmit të ceremonive për dhënien e titujve të nderit në Bashkinë Himarë.

Këshilli ka funksionuar duke zbatuar 5 rregullore të cilat vendosin rregulla dhe standarte për ushtrimin e funksioneve të këtij organi si më poshtë:

- Rregullorja e Funksionimit të Këshillit të Bashksië.
- Rregullorja për Kodin e sjelljes dhe etikës së Këshillit të Bashksië.
- Rregullorja e trajtimit të ankesave/kërkesave dhe iniciativave/peticioneve.
- Rregullorja e marrëdhënieve me komunitetin dhe mediat.
- Rregullore për strukturat komunitare dhe ndërveprimi I tyre në Këshillin Bashkiak.

Këto rregullore përcaktojnë me detaje procedura dhe standarte për menyrën se si këshilli ushtron të gjitha funksionet e tij.

Sfida kryesore në këtë drejtim për vitin 2023 dhe në vazhdim, është implementimi i këtyre rregulloreve dhe planit të aktiviteteve në praktikë. Për këtë qëllim është i nevojshëm bashkëpunimi i gjithë këshilltarëve, administrates si dhe komunitetit.

Në procesin e shqyrtimit dhe implementimit të këtyre rregulloreve këshilli është asistuar nga Projekti "Bashki të Forta" të cilët do vazhdojë edhe për këtë vit të asistojë për të bërë të mundur implementimin e këtyre standarteve në mënyrë që të rritet roli i Këshillit të Himarë .

Rregullimi I faqes web duke azhornuar cdo aktivitet, sipas kerkesave te rregulloreve sipas modelit Bashki te Forta.

Në zbatim të rregulloreve të miratuara është vënë në funksionim rregjistri fizik I Ankesave/Kërkesave si dhe rregjistri fizik I Iniciativave/Peticioneve, ku rregjistrohen dhe evidentohen te gjitha ankesat/kërkesat e mbritura në drejtim të Këshillit Bashkiak. Konkretisht janë depozituar në total 11 kërkesa, 2 ankesa, 11 kërkesat janë shqyrtuar dhe 4 prej tyre janë marr vendim nga këshilli Bashkiak. Kërkesat janë trajtuar dhe kordinuar me ekzekutivin e Bashkisë, dhe në të gjitha rastet janë informuar qytetarët.

Në lidhje me rolin përfaqësues të këshillit për vitin 2023 është synuar komunikimi dhe marrja e mendimeve të komunitetit të realizohet përmes komunikimit nëpërmjet publikimit në rrjetet sociale. Për të realizur këtë qëllim është hapur adresa e Këshillit Bashkiak Himarë, facebook një faqe e dedikuar për aktivitetin e këshillit. Në këtë faqe janë publikuar aktivitetet e këshillit, konsultimet publike, njoftimi dhe rendi i ditës së mbledhjeve të Këshillit, njoftimi i komisioneve të këshillit, vendimet e kryesisë së Këshillit, prezantimi i projektbuxhetit për vitin 2024, njoftimi i zgjedhjeve për kryesitë dhe kryetarët e fshatrave, Bashkia Himarë e të tjera!

Në kuadër të mbështetjes ndaj njësisve të vetëqeverisjes vendore dhe fuqizimit të organeve vendimmarrëse përmes rritjes së kapaciteteve të këshilltarëve vendor është organizuar në dy ditë «Trajnimi përgatitor për këshilltarët».

Gjatë muajit tetor dhe nëntor këshilli ka zhvilluar me sukses zgjedhjet e kryesive dhe kryetarëve të fshatrave në Bashkinë Himarë.

Në muajin dhjetor u zhvillua marrëveshja e ngritjes të aleancës së Zgjeruar të grave dhe vajzave këshilltare në këshillin bashkiak .Mbledhja u zhvillua online me këshilltaret dhe me konsensus u zgjidh Kryetare Znj.Afrovita Dhimojani, nënkryetare Znj.Elisabeta Lamaj dhe Sekretare Znj. Elena Memushaj.

Për sa u përket konsultimeve publike në zbatim të Rregullores së Konsultimeve Publike me ndihmën e Projektit Bashki të Forta kemi realizuar si fillim njoftimin në faqen e facebook të këshillit Bashkiak dhe takimet publike në të tria njësitë e Bashkisë për hartimin e buxhetit dhe paketës fiskale. Për marrjen e mendimeve të qytetarëve kjo dëgjuesën u zhvillua në bashkëpunim të këshillit dhe Bashkisë.

Në njësinë Horë – Vranisht më datë 24.10.2023

Në njësinë Lukovë ,më datë 25.10.2023

Në Himarë ,më datë 26.10.2023

Gjatë këtyre aktiviteteve të lart përmendura rekomandimet nga qytetarët u morën në konsideratë dhe u paraqitën në buxhetin e vitit 2024.

Në lidhje me rolin mbikqyrës dhe monitorues të Këshillit, përveç ushtrimit të këtij roli nëpërmjet sqarimeve dhe pyetjeve të ezauruar nga ana e këshilltarëve në drejtim të administratës ne shqyrtimit të gjithë projekt vendimeve të propozuara nga ekzekutivi, në zbatim të planit të aktiviteteve të vitit 2023 u realizuan dhe u paraqitën në këshill 6 informacione dhe raporte nga administrata sipas kërkesave të bëra nga vetë këshilli,

Në këtë drejtim, duke qënë se edhe për vitin 2024, në planin e aktiviteteve të miratuar janë planifikuar një sërë informacionesh dhe raportesh nga të cilat një pjesë e mire janë edhe detyrime ligjore për t'u shqyrtuar nga këshilli, do ishte e nevojshme një bashkëpunim më i mirë me administratën dhe një angazhim më i madh për ekzekutivin, që të pregatisë në kohë raportet dhe informacionet e planifikuara në planin e aktiviteteve të këshillit por edhe për rastet kur do të kërkohen nga këshilli.

Nga sa më sipër, duke ju falenderuar secilin për kontributin dhe angazhimin, si dhe duke falenderuar bashkëpunëtorët që asistojnë në aktivitetin e Këshillit të Bashkië Himarë, projektin “Bashkit të Forta”, ftojme të gjithë të bëhen pjesë për përmirësimin e punës së këshillit nëpërmjet mendimeve dhe sygjerimeve tuaja.

Punë të mbarë dhe faleminderit !

SEKRETARE E KËSHILLIT BASHKIAK

ELENA MEMUSHAJ

